



Broj: **03/4-50-14-19,5/14**
Sarajevo, 8.1.2014.

Na osnovu člana 60. stav (2) Poslovnika Predstavničkog doma Parlamentarne skupštine Bosne i Hercegovine („Službeni glasnik BiH“, br. 33/06, 41/06, 81/06, 91/06 i 91/07) i člana 54. stav (2) Poslovnika Doma naroda Parlamentarne skupštine Bosne i Hercegovine („Službeni glasnik BiH“, br. 33/06, 41/06, 81/06 i 91/06), Zajednička komisija za evropske integracije, na 19. sjednici, održanoj 7.2.2014., utvrdila je

PLAN RADA ZAJEDNIČKE KOMISIJE ZA EVROPSKE INTEGRACIJE ZA 2014. GODINU

UVOD

Djelokrug i ciljevi rada Zajedničke komisije za evropske integracije (u daljnjem tekstu: Komisija) određeni su članom 51. Poslovnika Doma naroda i članom 57. Poslovnika Predstavničkog doma Parlamentarne skupštine Bosne i Hercegovine.

(1) Zajednička komisija za evropske integracije razmatra pitanja koja se odnose na:

- rasprave o općim pitanjima koja se odnose na evropske integracije;
- praćenje izvršavanja prava i obaveza BiH proizašlih iz međunarodnih ugovora koji se odnose na Vijeće Evrope;
- koordinacija rada matičnih tijela u vezi s evropskim integracijama i dostavljanje mišljenja, preporuka i upozorenja;
- analiziranje posljedica integracijske strategije za BiH i pripremanje sveobuhvatnih izvještaja;
- nadgledanje i praćenje provođenja obaveza iz Sporazuma o stabilizaciji i pridruživanju, pretprijetne i pristupne strategije BiH;
- nadgledanje provođenja usklađivanja zakona BiH sa *acquis communautaire*;
- saradnja s drugim institucijama BiH (posebno s Direkcijom za evropske integracije) i drugih zemalja u vezi s pitanjima integracija i obavljanje drugih poslova u vezi s evropskim pitanjima koja ne spadaju u djelokrug ostalih radnih tijela;
- održavanje javnog saslušanja u vezi s pitanjima evropskih integracija radi prikupljanja mišljenja i stavova predstavnika civilnog društva, nevladinih organizacija, intelektualaca, kao i vladinih i nevladinih eksperata u određenim oblastima.

(2) Zajednička komisija razmatra i druga pitanja koja su u vezi s evropskim integracijama.

Imajući u vidu utvrđeni djelokrug i ciljeve rada, Plan rada Komisije za 2014. godinu značajno određuju i sljedeći dokumenti:

- Sporazum o stabilizaciji i pridruživanju koji je potpisan 16.7.2008., a i ratificiran u svim zemljama članicama EU. Međutim, još uvijek nije stupio na snagu.

- Izvještaj o napretku Bosne i Hercegovine u 2013. godini koji pokriva period od sredine septembra 2012. do kraja septembra 2013. godine koji je Komisija razmatrala na 18. sjednici, održanoj 14.11.2013., i na kojoj je podnijela prijedlog za sazivanje zajedničke tematske sjednice oba doma Parlamentarne skupštine BiH o procesu integriranja Bosne i Hercegovine u EU na kojoj bi Vijeće ministara BiH trebalo upoznati oba doma Parlamentarne skupštine BiH s trenutnim stanjem prioriteta i obaveza u čijem je ispunjavanju, prema posljednjem izvještaju o napretku, ostvaren ograničen napredak, a posebno u vezi s:

- provođenjem presude Evropskog suda za ljudska prava u predmetu Sejdić i Finci;
- uspostavljanjem efikasnog mehanizma koordinacije;
- propisnim funkcioniranjem Vijeća za državnu pomoć;
- uspostavljanjem strukture za decentralizirano upravljanje fondovima EU;
- prijedlozima zakona koji su izrađeni uz podršku EU, a nisu dostavljeni u parlamentarnu proceduru;
- problemima u pripremi sastanaka pododbora PS-a/SSP-a;
- radom koordinacionog odbora institucija za reviziju;
- nepostojanjem institucionalnih mehanizama za saradnju s civilnom društvom;
- nepostojanjem zajedničkih istražnih timova i mehanizama za otkrivanje korupcije;
- usvajanjem statuta Korporacije javnih RTV servisa;
- uspostavljanjem ekonomsko-socijalnog vijeća na državnom nivou;
- rješavanjem graničnih i imovinskih pitanja sa susjedima;
- neusklađivanjem zakona o poštanskim uslugama sa *acquisem*;
- kašnjenjem u imenovanju Upravnog odbora za osiguranje Bosne i Hercegovine;
- usklađivanjem Zakona o javnim nabavkama s direktivama EU 2004/17 i 2004/18;
- neusvajanjem strategije za mala i srednja preduzeća;
- neusvajanjem strategije ruralnog razvoja;
- pravnim okvirom i institucionalnim kapacitetima za zaštitu okoliša;
- državnom strategijom u oblasti transporta;
- saradnjom i koordinacijom u oblasti energetskog sektora.

Komisija će u 2014. godini pratiti napredak u navedenim oblastima i insistirati na realizaciji obaveza Vijeća ministara BiH u vezi s procesom integriranja.

PLAN RADA

JANUAR - MART

- Priprema i usvajanje Orijentacionog plana rada Komisije za 2014. godinu;
- Razmatranje Izvještaja o radu Komisije za 2013. godinu;
- Razmatranje Izvještaja Vijeća ministara BiH za 2013. godinu;
- Razmatranje Izvještaja Direkcije za evropske integracije za 2013. godinu;
- Razmatranje Izvještaja o stanju provođenja obaveza iz Privremenog sporazuma/ Sporazuma o stabilizaciji i pridruživanju za period od 1.10. do 31.12.2013. i ostalih aktivnosti na kretanju Bosne i Hercegovine prema članstvu u EU;
- Razmatranje Informacije o uspostavljanju i funkcioniranju mehanizma koordinacije u procesu integriranja Bosne i Hercegovine u EU;
- Razmatranje Izvještaja o provođenju aktivnosti iz Akcionog plana za prevazilaženje posljedica pristupanja Republike Hrvatske Evropskoj uniji;
- Priprema i učešće na 16. interparlamentarnom sastanku EP - PSBiH, koji će biti održan u aprilu 2014. godine, u Sarajevu;
- Razmatranje izvještaja sa sastanaka Privremenog odbora za stabilizaciju i pridruživanje i pododbora uspostavljenih prema odredbama čl. 40.-43. Privremenog sporazuma o stabilizaciji i pridruživanju.

APRIL - JUNI

- Razmatranje Izvještaja o stanju provođenja obaveza iz Privremenog sporazuma/ Sporazuma o stabilizaciji i pridruživanju za period od 1.1. do 31.3.2014. i ostalih aktivnosti na kretanju Bosne i Hercegovine prema članstvu u EU;
- Razmatranje Izvještaja o provođenju aktivnosti iz Akcionog plana za prevazilaženje posljedica pristupanja Republike Hrvatske Evropskoj uniji;
- Razmatranje izvještaja sa sastanaka Privremenog odbora za stabilizaciju i pridruživanje i pododbora uspostavljenih prema odredbama čl. 40.-43. Privremenog sporazuma o stabilizaciji i pridruživanju.

JULI - SEPTEMBAR

- Analiza aktivnosti u vezi sa izradom Programa integriranja;
- Razmatranje Izvještaja o stanju provođenja obaveza iz Privremenog sporazuma/ Sporazuma o stabilizaciji i pridruživanju za period od 1.4. do 31.7.2014. i ostalih aktivnosti na kretanju Bosne i Hercegovine prema članstvu u EU;

- Razmatranje Izvještaja o provođenju aktivnosti iz Akcionog plana za prevazilaženje posljedica pristupanja Republike Hrvatske Evropskoj uniji;
- Razmatranje izvještaja sa sastanaka Privremenog odbora za stabilizaciju i pridruživanje i pododbora uspostavljenih prema odredbama čl. 40.-43. Privremenog sporazuma o stabilizaciji i pridruživanju.

OKTOBAR - DECEMBAR

- Razmatranje Izvještaja o stanju provođenja obaveza iz Privremenog sporazuma/ Sporazuma o stabilizaciji i pridruživanju za period od 1.7. do 30.9.2014. i ostalih aktivnosti na kretanju Bosne i Hercegovine prema članstvu u EU;
- Razmatranje Izvještaja o napretku BiH 2014.;
- Razmatranje organizacije i planiranje rada Komisije u 2015. godini s ciljem osiguravanja resursa i unapređenja rada;
- Razmatranje Izvještaja o provođenju aktivnosti iz Akcionog plana za prevazilaženje posljedica pristupanja Republike Hrvatske Evropskoj uniji;
- Priprema i izrada izvještaja o radu Komisije u 2014. godini;
- Razmatranje izvještaja sa sastanaka Privremenog odbora za stabilizaciju i pridruživanje i pododbora uspostavljenih prema odredbama čl. 40.-43. Privremenog sporazuma o stabilizaciji i pridruživanju.

OSTALE AKTIVNOSTI

- Razmatranje dokumenata usvojenih u Evropskom parlamentu koji se odnose na Bosnu i Hercegovinu;
- Organiziranje sastanka s članovima Komisije za evropske poslove Parlamenta Češke Republike;
- Organiziranje sastanka s članovima Odbora za evropske integracije Hrvatskog sabora;
- Održavanje tematske sjednice o ekonomskim i socijalnim perspektivama BiH;
- Organiziranje sastanka s predsjedavajućim Vijeća ministara BiH i definiranje modaliteta saradnje i mehanizma koordinacije u procesu evropskog integriranja;
- Uspostavljanje saradnje i organiziranje sastanaka s Komisijom za pitanja Evropske unije Bundestaga;
- Uzvratna posjeta Odboru za evropske integracije Republike Srbije;
- Organiziranje tematske sjednice o borbi protiv korupcije u BiH;
- Organiziranje sastanka s članovima Odbora za međunarodne odnose i evropske integracije Skupštine Crne Gore;
- Aktivnosti koje će se planirati i realizirati u saradnji s Misijom OSCE-a,

- Organiziranje tematske sjednice o reformi obrazovanja u BiH;
- Razmatranje Informacije o procesu realizacije IPA projekata za 2013. godinu.

ZAVRŠNE NAPOMENE

Sadržaj rada i rokovi u ovom planu postavljeni su okvirno. Realno je očekivati korekcije zbog neophodnog usklađivanja s aktivnostima drugih relevantnih tijela i institucija. Moguće je očekivati i aktivnosti koje nisu predviđene, a mogu biti uvrštene u Plan rada Komisije zbog značaja i hitnosti razmatranja.

Treba imati u vidu da je kontinuirana aktivnost Komisije praćenje, analiza i nadgledanje aktivnosti svih relevantnih institucija u procesu pridruživanja EU.

S ciljem blagovremenog ispunjavanja planiranih aktivnosti, Komisija će, između ostalog:

- osigurati kontinuitet redovnog održavanja sjednica;
- osigurati kontinuitet redovnog održavanje sastanaka Parlamentarnog foruma za evropske integracije BiH;
- redovno praćenje realizacije Akcionog plan za pripremu Bosne i Hercegovine za posljedice pristupanja Republike Hrvatske Evropskoj uniji i zahtijevati od Vijeća ministara da svaka tri mjeseca izvještava Parlamentarnu skupštinu BiH o realizaciji obaveza iz Akcionog plana;
- osnivati potkomisije ili radne grupe kada to bude svrsishodno;
- pojedinačno angažirati članove Komisije;
- saradivati s drugim nadležnim tijelima i institucijama BiH i međunarodne zajednice;
- saradivati sa srodnim komisijama parlamenata u regionu.

**Predsjedavajući
Zajedničke komisije
Halid Genjac**

